

Delegacija FGU učestvovala na konferenciji „Dani IPP-a 2026.“ u Šibeniku

28.05.2026 20:33



Delegacija Federalne uprave za geodetske i imovinsko-pravne poslove učestvovala je na tradicionalnoj stručnoj konferenciji „Dani IPP-a 2026.“, održanoj 27. i 28. maja 2026. godine u Šibeniku, u organizaciji Državne geodetske uprave Republike Hrvatske i Nacionalne infrastrukture prostornih podataka Republike Hrvatske.

Konferencija „Dani IPP-a“ predstavlja jedan od najznačajnijih regionalnih događaja posvećenih infrastrukturi prostornih podataka, interoperabilnosti, razmjeni podataka, digitalnim javnim servisima te primjeni prostornih podataka u različitim sektorima javne uprave, privrede i akademske zajednice. Cilj konferencije bio je razmjena znanja, iskustava i dobrih praksi u oblasti razvoja i korištenja infrastruktura prostornih podataka, kao i predstavljanje savremenih trendova u ovoj oblasti.

U okviru programa konferencije održana je radionica „Visokovrijedni skupovi podataka u NIPP-u“, posvećena otvorenim podacima, visokovrijednim skupovima podataka i njihovoj ulozi u razvoju nacionalnih infrastruktura prostornih podataka. Centralni dio konferencije realiziran je kroz 15. NIPP i INSPIRE dan, uz stručna predavanja, panel-diskusiju „INSPIRE sljedeće generacije“ te tematske sesije posvećene geoportalima, interoperabilnosti, prostornom planiranju, kulturnoj baštini, statistici, upravljanju rizicima, pomorskom dobru i drugim relevantnim oblastima.

Poseban značaj za Federalnu upravu za geodetske i imovinsko-pravne poslove imalo je predstavljanje aktivnosti i rezultata iz Federacije Bosne i Hercegovine. U okviru prve sesije konferencije predstavljeno je izlaganje pod nazivom „Aktualnosti iz oblasti IPP-a u Federaciji Bosne i Hercegovine“, čiji su autori Jasmin Ćatić, Denis Tabučić, Jelena Zelić i Željko Obradović. Kroz prezentaciju su predstavljene najvažnije aktivnosti, ostvareni rezultati i planovi u oblasti razvoja Infrastrukture prostornih podataka Federacije BiH, s posebnim osvrtom na zakonodavni i institucionalni okvir, jačanje saradnje subjekata IPP-a, razvoj geoportala, unapređenje dostupnosti prostornih podataka te aktivnosti koje se provode u okviru aktuelnih projekata.

Učešće delegacije FGU na konferenciji predstavljalo je priliku za razmjenu iskustava s predstavnicima institucija, stručnjacima i učesnicima iz regije, kao i za sagledavanje savremenih pristupa u razvoju infrastruktura prostornih podataka. Ovakvi događaji imaju poseban značaj za kontinuirano unapređenje rada u oblasti IPP-a jer omogućavaju praćenje novih evropskih i regionalnih trendova, razmjenu praktičnih iskustava te jačanje stručnih kapaciteta institucija koje se bave prostornim podacima.





```
// Load JS file theme Galleria.loadTheme('files/galleria/themes/classic/galleria.classic.min.js'); // Initialize
Galleria Galleria.run('#gallery-1' , { width: 'auto', height: 500, transition: 'fade', initialTransition:
'undefined', clicknext: false, showImagenav: true, showCounter: true, lightbox: false, imageCrop: false,
imageMargin: 0, imagePan: false, carousel: true, carouselSpeed: 200, carouselSteps: 'auto',
pauseOnInteraction: true, show: 0, showInfo: true, thumbnails: true, thumbCrop: true, thumbMargin: 0,
thumbQuality: true, easing: 'galleria', transitionSpeed: 400, popupLinks: false, preload: 2, debug: true,
queue: true, imagePosition: 'center', maxScaleRatio: 0, swipe: true, fullscreenDoubleTap: true,
layerFollow: true, imageTimeout: 30000, fullscreenCrop: 'landscape', fullscreenTransition: 'undefined',
touchTransition: 'undefined', keepSource: false, trueFullscreen: true, responsive: true, wait: 5000,
idleMode: true, idleTime: 3000, idleSpeed: 200, thumbDisplayOrder: true, maxVideoSize: 'undefined',
videoPoster: true, thumbPosition: 'center' });
```